



**Ofisina Sentral di Statistik
(CBS)**

WTC Building, Piscadera Bay z/n
Curaçao

Telefòn.: (599-9) 724-1802

WhatsApp: (599-9) 520-2227

info@cbs.cw - www.cbs.cw

Facebook :cbscur

KOMUNIKADO DI PRENSA

Willemstad, 3 di mart 2026

Promé resultadonan di Venezuela Poll: mayoria di partisipantenan a indiká ku nan tabata preokupá

Willemstad – Ofisina Sentral di Statistik (CBS) ta presentá e promé resultadonan di Venezuela Poll, un enkuesta online orientativo riba preokupashon, preparashon pa krisis i manera ku poblashon lokal a sigui e notisia tokante e situashon geopolitiko entre Venezuela i Estados Unidos rondó di e evento di 3 di yanüari 2026.

E enkuesta a ser ehekutá entre 16 di yanüari te ku 2 di febrüari 2026. Na total 684 persona a partisipá. E resultadonan ta basá riba e kontestanan di e respondentenan aki i mester wòrdu konsiderá komo indikativo; nan no ta representativo pa henter poblashon di Kòrsou. Mas den curso di aña 2026 lo hasi un investigashon mas amplio riba e mesun tema.

Di e 684 partisipantenan, 53% tabata hende muhé i 47% tabata hende hòMBER. Kasi tres kuarta parti (72,6%) di e respondentenan tabata entre 25 i 64 aña, miéntras ku solamente 3,7% tabata mas yòng ku 25 aña i 23,7% tabata di 65 aña òf mas. Mayoria di e respondentenan a nase na Kòrsou (68,6%).

Algún resultado di e poll ta:

- For di e resultadonan ta mostra ku 60,8% di e partisipantenan tabata preokupá te hopi preokupá ku e situashon na Venezuela. Solamente 18,4% a indiká ku nan tabata tiki preokupá òf nada preokupá, miéntas ku 20,8% a keda neutral.
- Un mayoría di e respondentenan (68,4%) a sigui e notisia di forma atento te ku hopi atento, 23,8% a sigui e notisia un tiki atento, i 7,8% a indiká ku nan apénas òf nunca a sigui e notisia.
- 36,3% di e respondentenan a usa media/notisia internashonal komo fuente di informashon, 24,1% a usa media sosial i 20,2% a usa media/notisianan lokal. 11,6% a indiká ku nan a usa website ofisial di gobièrnu komo fuente. Ademas, 7,3% a indiká ku nan a haña informashon via famia i 0,5% via otro fuentenan.
- Mayoria di e respondentenan a indiká ku nan no ta sinti nan mes sufisientemente prepará pa insiguridatnan: solamente 19,8% a indiká ku nan ta sinti nan mes (hopi) bon prepará, 71,4% a indiká ku nan ta sinti nan mes solamente un tiki prepará òf completamente no prepará, i 8,8% a bisa ku preparashon pa nan no tabata nesesario.

Kontinuashon

E enkuesta aki ta sirbi komo un promé indikashon di opinion públiko i kuantu informashon e respondentenan tabatin tokante e tópiko. Basá riba e resultadonan aki, mas despues den 2026 lo realisá un investigashon mas amplio riba e tema.

Pa un bista completo di e resultadonan, bishitá website i kanalnan di medio sosial di CBS Kòrsou.

////////////////